

BÜNDNER  
KUNSTMUSEUM  
CHUR

MUSEUM D'ART  
DAL GRISCHUN  
CUIRA

MUSEO D'ARTE  
DEI GRIGIONI  
COIRA



Amt für Kultur  
Uffizi da cultura  
Ufficio della cultura

Communicaziun a las medias  
Ils 2 da mars 2022


## Wolfgang Laib. Crossing the River 19-03 – 31-07-2022

**Ils 19 da mars 2022 vegn averta en il Museum d'art dal Grischun l'exposiziun «Wolfgang Laib. Crossing the River». L'exposiziun d'ovras vegn mussada fin ils 31 da fanadur 2022 en il tract nov.**

Wolfgang Laib (\*1950, Germania) vala sco in dals artists ils pli impurtants dal temp contemporan. Sia lavur sa distingua tras ina profunda relaziun cun la natira ed in mussament d'attaschadad envers la simplicitad. Sia vita e sia pratica artistica vegnan però influenzadas dapi ils onns 1970 da filosofias orientalas da l'India. Fin oz sa concentrescha l'artist sin paucas gruppas d'ovras ciclicas.

Dapi ses viadis en l'India sco um giuven è el vegni inspirà da l'idea da vesair l'uman sco part d'ina gronda unitad. Questa moda da viver suonda el er en ses art. L'artist è en quest connex pia sin ils fastizs da l'universal, da l'atemporal ed el lavura cun materialias natirals sco pollen, ris, latg u tschaira d'avieuls. Questa chapientscha cumplessiva chatta el però er en la cultura cristiana. En la confrontaziun tranter ina pitschna muntogna da pollen da color intensiva ed ina chaschina d'eucaristia carolingica dal Museum dal stgazi da la catedrala a Cuira furma Wolfgang Laib ina relaziun sorprendenta. La preschentaziun sa chatta sin in champ da millis muntognas da ris che furman ina relaziun cun las caracteristicas architectonicas dal local. Sco nutriment il pli impurtant simbolisescha il ris la vitalitad ed è essenzial per la vita terrestre. Cun l'installaziun temporara manifestescha l'artist la dimensiun spirituala da l'art ed ans maina directamain a las funtaunas da sia poetica.

Davart l'exposiziun cumpara – tar Lars Müller Publishers – ina publicaziun ritgamain illustrada che cuntegna essays da Damian Jurt e da Stephan Kunz, in discurs tranter Wolfgang Laib e Peter Zumthor sco er numerusas vistas da l'installaziun.



BÜNDNER  
KUNSTMUSEUM  
CHUR

MUSEUM D'ART  
DAL GRISCHUN  
CUIRA

MUSEO D'ARTE  
DEI GRIGIONI  
COIRA




Amt für Kultur  
Uffizi da cultura  
Ufficio della cultura

### **Biografia curta**

Wolfgang Laib (\*1950, Germania) viva e lavura en in pitschen vitg en la Germania dal Sid e tgira ateliers a New York ed en l'India dal Sid. L'onn 1972, anc durant ses studi da medischna, è el sa decidì da bain anc terminar il studi, però da lavurar suenter mo pli sco artist. Differents viadis l'han manà durant quest temp en pajais asiatics, cunzunt en l'India. Laib ha cumenzà l'onn 1977 a rimnar pollen sin ils prads en ils conturns da ses vitg ed ha lavurà da lura envi oravant tut cun materialias natiralas sco ris, tschaira d'avieuls, latg, vernisch burmaisa e differents metals. Quai è stà il cumenzament da bleras exposiziuns sin l'entir mund durant blers decennis. El ha represchentà la Germania a la Biennala a Venezia (1982) ed è sa participà a la Documenta 7 (1982) sco er a la Documenta 8 (1987). Il Museum of Modern Art a New York ha mussà l'onn 2013 il champ da pollen sternì il pli grond d'enfin ussa.

### **Exposiziuns individualas**

Museo Novecento, Florenz (2019),  
Haus der Kunst, München (2002),  
Museum für Moderne Kunst, Frankfurt (2010),  
Fondazione Merz, Turin (2009),  
Museo Universitario Arte Contemporáneo, Mexico-City (2009),  
Musée de Grenoble, Grenoble (2008),  
Museo Nacional Centro de Arte, Reina Sofía, Madrid (2007),  
Fondation Beyeler (2006),  
Hirshhorn Museum, Washington DC (2000),  
Kunsthaus Bregenz (1999),  
Sprengel Museum, Hannover (1995),  
Musée national d'art moderne, Centre Georges Pompidou, Paris (1992)



BÜNDNER  
KUNSTMUSEUM  
CHUR

MUSEUM D'ART  
DAL GRISCHUN  
CUIRA

MUSEO D'ARTE  
DEI GRIGIONI  
COIRA



Amt für Kultur  
Uffizi da cultura  
Ufficio della cultura

### **Orientaziun a las medias**

Gievgia, ils 17 da mars 2022, 10.00

Museum d'art dal Grischun, Cuir

(Annunzia: [kathrin.gartmann@bkm.gr.ch](mailto:kathrin.gartmann@bkm.gr.ch), tel. 081 257 28 65)

### **Vernissascha**

Venderdi, ils 18 da mars 2022, 16.00 – 20.00

### **Exposiziun**

19 da mars fin ils 31 da fanadur 2022

Mardi fin dumengia, 10.00 – 17.00

Gievgia, 10.00 – 20.00

### **Occurrenz**

Infurmaziuns davart las occurrenz actualas chattais Vus sin la pagina d'internet dal Museum d'art dal Grischun sut [www.buendner-kunstmuseum.ch](http://www.buendner-kunstmuseum.ch).

### **Contact per las medias**

Museum d'art dal Grischun, Cuir

Stephan Kunz

Directur artistic

T +41 81 257 28 61

[stephan.kunz@bkm.gr.ch](mailto:stephan.kunz@bkm.gr.ch)